

# বন-গীতি

কাজী নজরুল ইসলাম

ভারতের অন্যতম শ্রেষ্ঠ সংগীত কলা-বিদ

আমার গানের ওস্তাদ

জমীরউদ্দিন খান সাহেবের

দস্ত মোবারকে—

তুমি বাদশাহ গানের তখতে তখত্ নশীন,  
সুর-লায়রীর দীওয়ানা মজ্নু প্রেম-রঙ্গিন।  
কণ্ঠে তোমার স্রোতস্বতীর উছল-গীতি,  
বিহগ-কাকলি, গন্ধর্ব্ব-লোকের স্মৃতি।  
সাগরে জোয়ার সম তব তান শান্ত উদার,  
হৃদয়ের বেলাভূমে নিশিদিন ধ্বনি শুনি তার।  
খেলায় তোমার সুরগুলি পোষা পাখির মত  
মুক্ত-পক্ষ চঞ্চল-গতি লীলা-রত॥  
বীণার বেদনা বেণুর আকুতি তোমার সুরে,  
ব্যথা-হত ভোলে ব্যথা তার, সুখী ব্যথায় বুঝে।  
সুর-শা'জাদীর প্রেমিক পাগল হে গুণী তুমি,  
মোর 'বন-গীতি' নজরানা দিয়া দস্ত চুমি।

কলিকাতা

নজরুল ইসলাম

১লা আশ্বিন

১৩৩৯

তিলক-কামোদ-রূপক

ভালোবাসার ছলে আমায়

তোমার নামে গান গাওয়ালে।

চাঁদের মতন সুদূর থেকে

সাগরে মোর দোল খাওয়ালে॥

কাননে মোর ফুল ফুটিয়া

উঁড়ে গেলে গানের পাখী,

যুগে যুগে আমায় তুমি

এম্নি করে পথ চাওয়ালে॥

আঁকি তোমার কতই ছবি

তোমায় কতই নামে ডাকি,

পালিয়ে বেড়াও, তাই ত তোমায়

রেখার সুরে ধরে রাখি।

মানসী মোর। কোথায় কবে

আমার ঘরের বধূ হবে,

লোক হতে গো লোকান্তরে

সেই আশে তরী বাওয়ালে॥

BANGLADARSHAN.COM

তিলক-খাম্বাজ মিশ্র-তাল ফেরতা

কে নিবি ফুল কে নিবি ফুল

টগর যুঁথি বেলা মালতী

চাঁপা গোলাপ বকুল।

নার্গিস ইরাণী গুল্‌॥

আমার যৌবন-বাগানে

হাওয়া লেগেছে ফুল জাগা'নে,

চ'লে যেতে ঢ'লে পড়ি,

খু'লে পড়ে এলো চুল।

তনু মন আকুল, আঁখি ঢুলু ঢুল্‌॥

ফুটেছে এত ফুল, ফুল-মালি কই,

গাঁথিবে মালা ক'বে সেই আশে রই,

সে মালা দিব করে ভেবে সারা হই,

সহিতে পারি না এ ফুল-ঝামেলা

চামেলা পারুল ॥



কানাড়া মিশ্র-কাওয়ালি

পেয়ে আমি হারিয়েছি গো

আমার বুকের হারামণি।

গানের প্রদীপ জ্বলে তারেই

খুঁজে ফিরি দিন-রজনী ॥

সে ছিল গো মধ্যমণি

আমার মনের মণি-মালায়,

রেখেছিলাম লুকিয়ে তায়

মাণিক যেমন রাখে ফণী ॥

স্নিগ্ধ জ্যোতিঃ নিয়ে সে মোর

এসেছিল দন্ধ বুকে,

অসীম আঁধার হাত'ড়ে ফিরি

খুঁজি তারি রূপ লাবণী ॥

হারিয়ে যে যায় হয় কেন সে

যায় হারিয়ে চিরতরে

মিলন-বেলাভূমে বাজে

বিরহেরই রোদন-ধ্বনি ॥

BANGLADARSHAN.COM

## 8

কাজরী-কার্ফা

সখি বাঁধো লো বাঁধো লো ঝুলনিয়া।  
নামিল মেঘলা মোর বাদরিয়া॥  
চল কদম তমালে তলে গাহি কাজরিয়া  
চল লো গোরী শ্যামলিয়া॥

বাদল-পরীরা নাচে গগন-আঙিনায়,  
ঝামঝাম-বৃষ্টি-নূপুর পায়  
শোনো ঝামঝাম বৃষ্টি-নূপুর পায়।  
এ হিয়া মেঘ হেরিয়া ওঠে মাতিয়া॥

মেঘ-বেণীতে বেঁধে বিজলী-জরীণ্ ফিতা  
গাহিব দু'লে শাওন-গীতি কবিতা,  
শুনিব বঁধুর বাঁশী বন-হরিণী চকিতা,  
দয়িত-বুকে হব বাদল-রাতে দয়িতা।  
পর মেঘ-নীল শাড়ি<sup>২</sup> ধানী-রঙের চুনরিয়া,  
কাজলে মাজি' লহ আঁখিয়া॥

BANGLADARSHAN.COM



কাফি-বাঁপতাল

যায় দু'লে দু'লে এলোচুলে  
কে বিষাদিনী।

তার চোখে চেয়ে ম্লান হয়ে  
যায় গোঁ চাঁদিনী॥

তার সোনার অঙ্গ অনাদরে  
হয়েছে কালি,

হায় ধূলায় লুটায় নবীন যৌবন  
ফুলের ডালি,

কোন্ মদির আঁখির<sup>০</sup> খেয়েছে তীর  
বন-হরিণী॥

তার চটুল চরণ নাচত যেমন  
নোটন্-কপোতী,  
মরণর বুকুে ফুল ফোঁটাত  
তার দোদুল গতি,

আজ ধীরে সে যায় যেন শীতের  
মৃদুল তটিনী॥

BANGLADARSHAN.COM

৬

পিলু-দাদরা

যমুনা-সিনানে চলে

তস্বী<sup>৪</sup> মরাল-গামিনী।

লুটায় লুটায় পড়ে

পায়ে বকুল কামিনী॥

মধু বায়ে অঞ্চল

দোলে অতি চঞ্চল,

কালো কেশে আলো মেখে

খেলিছে মেঘ দামিনী॥

তাহারি পরশ চাহি’

তটিনী চলেছে বাহি’,

তনুর তীর্থে তারি

আসে দিবা ও যামিনী॥

BANGLADARSHAN.COM

৭

গ্রাম্য-সঙ্গীত

নদীর নাম সহি অঞ্জনা  
নাচে তীরে খঞ্জনা,  
পাখী সে নয় নাচে কালো আঁখি।  
আমি যাব না আর অঞ্জনাতে  
জল নিতে সখি লো,  
ঐ আঁখি কিছু রাখিবে না বাকী॥

সেদিন তুলতে গেলাম  
দুপুর বেলা  
কলমী শাক ঢোলা ঢোলা  
হ'ল না আর সখি লো শাক তোলা,  
আমার মনে পড়িল<sup>৫</sup> সখি,  
ঢলঢল তার চটুল আঁখি,  
ব্যথায় ভরে উঠলো বুকের তলা।

ঘরে<sup>৬</sup> ফেরার পথে দেখি,  
নীল শালুক সুঁদি ওকি ফু'টে আছে  
ঝিলের গহীন জলে।  
আমার অমনি পড়িল মনে  
সেই ডাগর আঁখি লো,  
ঝিলের জলে চোখের জলে  
হলো মাখামাখি॥

BANGLADARSHAN.COM

৮

গজল-গান

আল্গা কর গো খোঁপার বাঁধন  
দীল্ ওঁহি মেরা ফঁস্ গয়ি।  
বিনোদ বেণীর জরীণ্ ফিতায়  
আন্ধা এশ্ক্ মেরা কস্ গয়ি ॥

তোমার কেশের গন্ধে কখন  
লুকায়ে আসিল লোভী আমার মন  
বেহুশ হো কর্ গির্ পড়ি হাথ্মে  
বাজু বন্দমে বস্ গয়ি ॥

কানের দুলে প্রাণ রাখিলে বিঁধিয়া  
আঁখ ফেরা দিয়া চোরা কর্ নিদিয়া,  
দেহের দেউড়িতে বেড়াতে আসিয়া  
আউর নেহি উয়ো ওয়াপস্ গয়ি ॥

BANGLADARSHAN.COM

বাউল-লোফা

পথ-ভোলা কোন্ রাখাল ছেলে।

সে একলা বাটে শূন্য মাঠে  
খেলে বেড়ায় বাঁশী ফেলে॥

কভু সাঁঝ গগনে উদাস মনে  
চাহিয়া হেরে গো কারে,  
হেরে তারার উদয়, কভু চেয়ে রয়  
সুদূর বন-কিনারে।  
হেরে সাঁঝের পাখী ফিরে গো যখন  
নীড়ের পানে পাখা মেলে॥

তার ধেনু ফিরে যায় গ্রামের পানে  
আনমনে সে বসিয়া থাকে,  
ঐ সন্ধ্যাতারার দীপ যে জ্বালায়  
সে যেন কোথায় দেখেছে তাকে।

তার নূপুর লুটায় পথের ধুলায়  
সে ফিরে নাহি চায় কাহারে খোঁজে,  
দূর চাঁদের ভেলায় মেঘ-পরী যায়  
সে যেন তাহার ইশারা বোঝে।  
সে চির-উদাসী পথে ফেরে হায়  
সকল সুখে আগুন জ্বলে॥

পিলু-বারোয়া-আন্ধা কাওয়ালি

কোকিল, সাধিলি কি বাদ।  
নিশি অবসান হ'ল  
না মিটিতে সাধ॥

মিলনের মোহ কেন,  
ডাকিয়া ভাঙিলি হেন,  
তুই রে সতিনী যেন  
চন্দ্রাবলীর ফাঁদ॥

সারা নিশি অভিমানে  
চাহিনি শ্যামের পানে,  
জেগে দেখি কিছ-তানে-  
নাহি শ্যাম চাঁদ॥

ননদিনী কুটিলি কি  
পাঠায়েছে তোরে পাখী,  
সুখের বাসরে ডাকি'  
আনিলি বিষাদ॥

পান্‌সে জোছনাতে কে	চল গো পান্‌সী বেয়ে।
টেউএর তালে তালে	বাঁশীতে গজল গেয়ে॥
মেঘের ফাঁকে ফোটে	বাঁকা শশীর চিকণ হাসি,
উজান বেয়ে চল তুমি কি	তার চোখে চেয়ে॥
ও-পারে লুকায়ে আঁধার	গভীর ঘন বন-ছায়,
আকাশে হেলান দিয়ে	আলসে পাহাড় ঘুমায়।
ঘুমায়ে দূরে সে কোন্‌ গ্রাম	বাসরে পল্লী-বধূর প্রায়;
ও-পারে ধু ধু বালুচর	যেন নদীর আঁচল লুটায়।
ছাড়ি' এ সুখ-বাস	চলেছ কোথায় গো নেয়ে॥
নদীর দু'তীরে টানে	বেতস-লতা উত্তরীয়,
চমকি' উঠি' চখী	ডাকে মুহু মুহু "কিও!"
চকোরী চাঁদে ভুলি'	চাহে তব মুখ পানে,
কেঁদে পাপিয়া শুধায়,	"পিউ কাঁহা, কাঁহা' পিও।"
তুমি যাও আপন-বিভোল	স্বপনে নয়ন ছেয়ে॥

মাঢ়-কাফী

বাল্মল্ জরীন্ বেণী

দুলায়ে প্রিয়া কি এলে।

সজল শাওন-মেঘে

কাজল নয়ন মেলে॥

কেয়া ফুলের পরিমল

ঝুঁরে মরে তোমার পথে,

হেরি দীঘল্ তব তনু

তাল পিয়াল তরু প'ড়ে হে'লে॥

পরিবে বলিয়া খোঁপায়

ঝুরিছে বকুল চাঁপা,

তোমারে খুঁজিছে আকাশ

চাঁদের প্রদীপ জেলে॥

তোমারি লাবণী প্রিয়া

ঝুরিছে শ্যামল মেঘে,

ফুটালে ফুল মরুভূমে

চঞ্চল চরণ ফেলে॥

# ১৩

গজল

জংলা-কার্ফা

কোন বন হ'তে	করেছ চুরি	হরিণ-আঁখি (গো ঐ)।
যেন আননে	বেঁধেছ বাসা	কানন-পাখী (ভীরু)
চুরি করা ঐ	নয়ন কি ভাই	ভয় এত চোখে।
নীল সাগর বলে,	ডাগর ও চোখ	আমারি নাকি॥
চিরকালের	বিজয়িনী ও	উজল নয়নে,
(তুমি) দু'ধারী	তলোয়ার রেখেছ	জহর মাখি॥
পুড়িল মদন	তোমারি ঐ	চোখের দাহে,
সে গেছে তোমার	ঐ চোখে তার	ফুল-বাণ <sup>১০</sup> রাখি॥

BANGLADARSHAN.COM

গজল

ভৈরবী মিশ্র-কার্ফা

নিশীথ হয়ে আসে ভোর

বিদায় দেহ প্রিয় মোর।

রজনীগন্ধার বনে হের

গুঞ্জরিছে ভ্রমর।

হের ঐ তন্দ্রা-তুলুতুল

জড়ায়ে হাতে এলো চুল,

বধু যায় সিনান-ঘাটে

পথে লুটায় বসন আকুল।

খোল খোল বাহুর মালা,

মোছ মোছ প্রিয়া আঁখি।

শোন কুঞ্জ-দ্বারে তব কুছ

মুছ মুছ ওঠে ডাকি॥

হের লো, শিয়রে তব

প্রদীপ হয়ে এল ম্লান,

দাঁড়াল রাঙা উষা ঐ

রঙের সাগরে করি' স্নান।

আকাশ-অলিন্দে কাঁদে

পাণ্ডুর-কপোল শশী,

শুকতারা নিবু-নিবু ঐ

মলয়া ওঠে উছসি।

কাঁদে রাতের আঁধার

মোর বুকু মুখ রাখি॥<sup>১১</sup>

পিলু-খাম্বাজ-কার্ফা

কেমনে কহি প্রিয়  
কি ব্যথা প্রাণে বাজে।  
কহিতে গিয়ে কেন  
ফিরিয়া আসি লাজে॥

শরমে মরমে ম'রে  
গেল বন-ফুল ঝ'রে  
ভীরু মোর ভালবাসা  
শুকাল মনের মাঝে॥

আগুন লুকায়ে বুকে  
জুলিয়া মরি যে দুখে,  
ভুলিয়া রয়েছ সুখে,  
তুমি ত আপন কাজে॥

আজিকে বরার আগে  
নিলাজ অনুরাগে  
ধরিতে যে সাধ জাগে  
হৃদয়ে হৃদয়-রাজে॥

# ১৬

স্বদেশী গান

নমঃ নমঃ নমো	বাঙলা দেশ মম
চির-মনোরম	চির-মধুর।
বুকে নিরবধি	বহে শত নদী
চরণে জলধির	বাজে নূপুর ॥
শিয়রে গিরি-রাজ	হিমালয় প্রহরী
আশিস্ <sup>১২</sup> -মেঘবারি	সদা তার পড়ে <sup>১৩</sup> ঝরি <sup>১৪</sup> ,
যেন উমার চেয়ে	এ আদরিণী মেয়ে,
ওড়ে আকাশ ছেয়ে	মেঘ টিকুর ॥
গ্রীষ্মে নাচে বামা	কাল-বোশেখী ঝড়ে,
সহসা বরষাতে	কাঁদিয়া ভেঙে পড়ে <sup>১৫</sup> ,
শরতে হেসে চলে	শেফালিকা <sup>১৬</sup> -তলে
গাহিয়া আগমনী-	গীতি মধুর ॥
হরিত অঞ্চল	হেমন্তে দুলায়ে
ফেরে সে মাঠে মাঠে	শিশির-ভেজা পায়ে
শীতের অলস বেলা	পাতা ঝরার <sup>১৭</sup> খেলা
ফাগুনে পরে	সাজ ফুল-বধূর ॥
এই দেশের মাটি	জল ও ফুলে ফলে,
যে রস যে সুধা	নাহি ভূমণ্ডলে,
এই মায়ের বুকে	হেসে খেলে সুখে
ঘুমাব এই বুকে	স্বপ্নাতুর ॥

BANGLADARSHAN.COM

গারা মিশ্র-দাদরা

প্রিয়            যাই যাই বলো না  
                      না    না    না।

আর                ক'রো না ছলনা,  
                      না    না    না॥

আজো            মুকুলিক মোর হিয়া মাঝে  
                      না-বলা কত কথা বাজে,  
                      অভিমনে লাজে বলা যে হ'ল না॥

কেন                শরমে বাধিল কে জানে,  
আঁখি              তুলিতে নারিনু আঁখি পানে।  
প্রথম            প্রণয়-ভীরু কিশোরী  
যত                অনুরাগ তত লাজে মরি,  
এত                আশা সাধ চরণে দ'লো না॥

ভোল লাজ ভোল গ্লানি জননী  
 মুক্ত আলোকে জাগো।  
 কবে সে ঘুমালি মরণ-ঘুমে মা  
 আর জাগিলি না গো॥

চরণে<sup>১</sup> কাঁদে মা তেমনি জলধি,  
 বক্ষ আঁকড়ি<sup>১</sup> কাঁদে নদ নদী,  
 ত্রিশ কোটি সন্তান নিরবধি  
 কাঁদে আর ডাকে মা গো॥

শূন্য দেউল বন্ধ আরতি,  
 কাঁদিছে পূজারী, নাহি মা মুরতি<sup>১</sup>,

পূজার কুসুম চন্দন যায়  
 আঁখি-জলে-ভাসিয়া মা গো॥

যে তিতিক্ষা যে শিক্ষা লয়ে,  
 অতীতে<sup>১</sup> ছিলি মা রাজরাণী হয়ে,  
 ল'য়ে সে মহিমা পুনঃ নির্ভয়ে  
 বিশ্ব-বুকে দাঁড়া গো॥

বিশ্বের এই খল কোলাহলে  
 তুই আয় কল্যাণ-দীপ জ্বলে,  
 বিরোধের শেষে তুই শান্তি মা  
 মৃত্যুশেষে সুখা গো॥

রুম্ রুম্ রুম্

রুম্ রুম্ বাজে নূপুর।

তালে তালে দোদুল দোলে

নাচের নেশায় চুর॥

চঞ্চল বায়ে আঁচল উড়ায়ে

চপল পায়ে, ও কে যায়

নটিনী কল-তটিনীর প্রায়,

চিনি বিদেশিনী চিনি গো তায়,

শুনি ছন্দ তারি এ হিয়া ভরপুর॥

নাচন শিখালে ময়ূর মরালে,

মরীচি-মায়া মরণে ছড়ালে,

বন-মৃগের মন হেসে ভুলালে,

ডাগর আঁখির নাচে সাগর দুলালে;

গিরী-দরী বনে গো

দোল লাগে নাচনের

শুনে তার সুর॥

পদ্মদীঘির ধারে ঐ  
 সখি লো কমল-দীঘির ধারে।  
 জল নিতে যাই  
 সকাল সাঁঝে সই,  
 সখি, ছল ক'রে সে মাছ ধরে  
 আর চায় সে বারেবারে॥  
 মাছ ধরে সে, বড়শী আমার  
 বুক্রে এসে বেঁধে  
 ওলো সই বুক্রে এসে বেঁধে,  
 আর, চোখের জলে কলসী আমার সই  
 আমি ভরাই কেঁদে কেঁদে  
 সই দেখি যত তারে॥  
 ছিপ নিয়ে যায় মাছ জলে তা'র  
 তাকায় না তার পানে,  
 মন ধরে না-মীন ধরে সে  
 সখি লো সেই জানে।  
 মন-ভিখারী মীন-শিকারী  
 মুখের পানে চায়,  
 সখি লো চোখের পানে চায়,  
 আমি বড়শী-বেঁধা মাছের মত গো  
 সখি, ছুটিয়া মরি হয় অকূল পাথারে॥

গজল

যোগিয়া মিশ্র-কার্ফা

দিতে এলে ফুল, হে প্রিয়,  
কে আজি সমাধিতে মোর।  
এত দিনে কি আমরা  
পড়িল মনে মনোচোর॥

জীবনে যারে চাহনি  
ঘুমাইতে দাও তাহারে,  
মরণ-পারে ভেঙো না  
ভেঙো না তাহার ঘুম-ঘোর॥

দিতে এসে ফুল কেঁদো না প্রিয়  
মোর সমাধি-পাশে,  
ঝরিল যে ফুল অনাদরে হায়—  
নয়ন-জলে বাঁচিবে না সে।  
সমাধি-পাষণ নহে গো  
তোমার সমান কঠোর॥

কত আশা সাধ মিশে যায় মাটির সনে,  
মুকুলে ঝরে কত ফুল কীটের দহনে।  
কেন অ-সময়ে আসিলে,  
ফিরে যাও,  
মোছ আঁখি-লোর॥

২২

বেহাগ-মান্দ-কার্ফা

কে এলে মোর চির-চেনা

অতিথি দ্বারে মম।

ফুলের বুকুে মধুর মত

পরাগে সুবাস সম ॥

বর্ষা-শেষে চাঁদের মতন

উদয় তোমার নীরব গোপন,

জ্যোৎস্না-ধারায় নিখিল ভুবন

ছাইয়া অনুপম ॥

হৃদয় বলে, চিনি চিনি

আঁখি বলে, দেখিনি তায়,

মন বলে, প্রিয়তম ॥

BANGLADARSHAN.COM

## ২৩

ভজন

ভীমপলশ্রী-কার্ফা

দোলে নিতি নব রূপের ঢেউ-পাথার  
ঘনশ্যাম তোমারি নয়নে।  
আমি হেরি যে নিখিল বিশ্বরূপ-  
সস্তার তোমারি নয়নে॥

তুমি পলকে ধর নাথ সংহার-বেশ,  
হও পলকে করুণা-নিদান পরমেশ,  
নাথ ভরা যেন বিষ অমৃতের ভাণ্ডার  
তোমার দুই নয়নে॥

ওগো মহা-শিশু, তব খেলা-ঘরে  
এ কি বিরাট সৃষ্টি বিহার করে,  
সংসার চক্ষে তুমিই হে নাথ,  
সংসার তোমারি নয়নে॥

তুমি নিমেষে রচি' নব বিশ্বছবি  
ফেল নিমেষে মুছিয়া হে মহাকবি,  
করে কোটি কোটি ব্রহ্মাণ্ড ভুবন-সঞ্চার  
তোমারি নয়নে॥

তুমি ব্যাপক বিশ্ব চরাচরে  
জড় জীব জন্তু নারী নরে,  
কর কমল-লোচন, তোমার রূপ বিস্তার হে  
আমার নয়নে॥

পিলু-কার্ফা

এলে কি বঁধু ফুল-ভবনে।  
মেলিয়া পাখা নীল গগনে॥

একা কিশোরী লাজ বিসরি’  
তোমারে স্মরি সঙ্গোপনে,  
এস গোধূলির রাঙা লগনে॥

পাতার আসন শাখায় পাতা,  
বালিকা কলির মালিকা গাঁথা,  
দিনু গন্ধ-লিপি ভোর পবনে॥

হে বিধাতা।

দুঃখ শোক মাঝে তোমারি পরশ রাজে,  
কাঁদায়ে জননী-প্রায় কোলে কর পুনরায়,  
শান্তি-দাতা,  
হে বিধাতা ॥

ভুলিয়া যাই হে যবে সুখ-দিনে তোমারে  
স্মরণ করায়ে দাও আঘাতের মাঝারে,  
দুঃখের মাঝে তাই হে প্রভু তোমারে পাই  
দুঃখ-ত্রাতা,  
হে বিধাতা ॥

দারা-সুত-পরিজন-রূপে প্রভু অনুখণ,  
তোমার আমার মাঝে আড়াল করে সৃজন;  
তুমি যবে চাহ মোরে লও হে তাদের হ'রে  
ছিঁড়ে দিয়ে মায়া-ডোরে ক্রোড়ে ধর আপন।

ভক্ত সে প্রহ্লাদ ডাকে যবে নারায়ণ  
নির্মম<sup>১৮</sup> হয়ে তার পিতারও হর জীবন,  
সব যবে ছেড়ে যায় দেখি তব বুক হায়  
আসন পাতা।  
হে বিধাতা ॥

২৬

ভীমপলশী মিশ্র-দাদরা

পাষাণের ভাঙালে ঘুম

কে তুমি সোনার ছোঁওয়ায়।

গলিয়া সুরের তুষার

গীতি-নির্ঝর বয়ে যায়॥

উদাসীন বিবাগী মন

যাচে আজ বাহুর বাঁধন,

কত জনমের কাঁদন

ও-পায়ে লুটাতে চায়॥

তোমার চরণ-ছন্দে মোর

মুঞ্জারিল গানের মুকুল,

তোমার বেণীর বন্ধে গো

মরিতে চায় সুরের বকুল।

চম্কে ওঠে মোর গগন

ঐ হরিণ-চোখের চাওয়ায়॥

BANGLADARSHAN.COM

২৭

হাসীর-তেতালা

ব'লো না ব'লো না ওলো সই

আর সে কথা।

ভোমরা চপল-মতি

ফিরে সে যথা তথা॥

তরু কি লতার কাছে

এসে কভু প্রেম যাচে,

তরু বিনা নাহি বাঁচে

অসহায় লতা॥

ভুলিতে যার নাই তুলনা,

সখি তার কথা তুলো না,

প্রাণহীন পাষাণে গড়া

সে যে দেবতা॥

BANGLADARSHAN.COM

ইমনকল্যাণ-কাওয়ালী

মরম-কথা গেল সেই মরমে ম'রে।  
শরম বারণ যেন কিরর চরণ ধ'রে॥

ছল ক'রে কত শত  
সে মম রুধিত পথ,  
লাজ-ভয়ে পলায়েছি  
সে ফিরেছে ব্যথাহত,  
অনাদরে-প্রেম-কুসুম গিয়াছে ম'রে॥

কত যুগ মোর আশে ব'সে ছিল পথ-পাশে,  
কত কথা কত গান জানায়েছে ভালোবেসে,  
শেষে অভিমানে নিরাশে গিয়াছে স'রে॥

চল                   মন আনন্দ-ধাম।

চল                   মন আনন্দ-ধাম রে  
চল আনন্দ-ধাম ॥

সেথা               লীলা-বিহার প্রেম-লোক,  
রাই রে সেথা দুখ শোক,  
সেথা               বিহরে চির-ব্রজ-বালক  
বন্শীওয়ালা শ্যাম রে  
চল আনন্দ-ধাম ॥

সেথা               নাহি মৃত্যু, নাহি ভয়,  
নাহি সৃষ্টি, নাহি লয়,  
খেলে               চির-কিশোর চির-অভয়  
সঙ্গীত ওম্ নাম রে  
চল আনন্দ-ধাম ॥

ঝিঝিট-একতালা

এস হৃদি-রাস-মন্দিরে এস  
হে রাস-বিহারী কালা।  
মম নয়নের পাতে রাখিয়াছি গৈঁথে  
অশ্রু-যুথীর মালা ॥

আমার কাঁদন-যমুনার নদী  
ভাটি-টানে শুধু বহে নিরবধি,  
তারে বাঁশরীর তানে বহাও উজানে  
ভেলাও বিরহ-জ্বালা ॥

আমি ত্যজিয়াছি কবে লাজ মান কূল  
বহি' কলঙ্ক এসেছি গোকুল,

আমি ভুলিয়াছি ঘর শ্যাম নটবর  
কর মোরে ব্রজ-বালা ॥

আমার            সকলি হরেছ হরি  
                      এবার আমায় হ'রে নিও।  
যদি                সব হরিলে নিখিল-হরণে  
                      তবে ঐ চরণে শরণ দিও॥

আমায়            ছিল যারা আড়াল ক'রে  
                      হরি তুমি নিলে তাদের হ'রে,  
ছিল                প্রিয় যারা গেল তারা  
হরি                 এবার তুমিই হও হে প্রিয়॥

৩২

পাহাড়ী-তেতাল

যমুনা-কূলে মধুর মধুর মুরলী সখি বাজিল  
মাধব নিকুঞ্জ-চারী শ্যাম বুঝি আসে-  
কদম্ব তমাল নব পল্লবে সাজিল ॥

ময়ূর তমাল-তলে পেখম খোলে,  
ব্যাকুলা গোপ-বালা শুনিয়া সে তান,  
যুগ যুগ ধরি' যেন শ্যাম  
বাঁশরী বাজায় গো,  
বাঁশীতে শ্যাম মোরে যাচিল ॥

BANGLADARSHAN.COM

৩৩

বাগেশী-সিন্ধু-কাহারবা

কুসুম-সুকুমার শ্যামল তনু

হে ফুল-দেবতা লহ প্রণাম।

বিটপী লতায় চিকণ পাতায়,

ছিটাও হাসি কিশোর শ্যাম ॥

পূজার থালা এ অর্ঘ্য-ডালা

এনেছি দিতে তোমার পায়,

দেহ শুভ বর কুসুম-সুন্দর

হউক নিখিল নয়নাভিরাম ॥

এ বিশ্ব বিপুল কুসুম-দেউল

হউক তোমার ফুল-কিশোর!

মুরলী করে-এস গোলক-বিহারী

হউক ভুলোক আনন্দ-ধাম ॥

BANGLADARSHAN.COM

ভজন  
পাহাড়ী-কার্ফা

কোথায় তুই খুঁজিস্ ভগবান  
সে যে রে তোরি মাঝারে রয়,  
চেয়ে দেখ্ সে তোরি মাঝারে রয়,  
সাজিয়া যোগী ও দরবেশ  
খুঁজিস্ যারে পাহাড় জঙ্গলময়  
সে যে রে তোরি মাঝে রয়॥

আঁখি খোল্ ইচ্ছা-অন্ধের দল  
নিজেরে দেখ্ রে আয়নাতে,  
দেখিবি তোরই এই দেহে  
নিরাকার তাঁহার পরিচয়॥

ভাবিস্ তুই ক্ষুদ্র কলেবর  
ইহাতেই অসীম নীলাম্বর,  
এ দেহের আধারে গোপন,  
রহে রে বিশ্ব চরাচর,  
প্রাণে তোর প্রাণের ঠাকুর  
বেহেশতে স্বর্গে-কোথাও নয়॥

এই তোর মন্দির মস্জিদ  
এই তোর কাশী বন্দাবন,  
আপনার পানে ফিরে চল্  
কোথা তুই তীর্থে যাবি, মন!  
এই তোর মক্কা মদিনা,  
জগন্নাথ-ক্ষেত্র এই হৃদয়॥

সিন্ধু-ভৈরবী-কার্ফা

কেঁদে যায় দখিণ হাওয়া  
ফিরে ফুল-বনের গলি।  
ফিরে যাও চপল পখিক,  
দুলে কয় কুসুম-কলি॥

ফেলিছে সমীর দীরঘ শ্বাস  
আসিবে না আর এ মধু-মাস  
কহে ফুল, জনম জনম  
এমনি গিয়াছ ছলি॥

কাঁদে বায়, রজনী-ভোরে  
বাসি ফুল পড়িবি ঝরে,  
কহে ফুল, এমনি ক'রে  
আমি ফুল-চোরে রে দলি॥

কাঁদে বায়, নিদাঘ আসে  
আমি যাই সুদূর বাসে,  
ফুটে ফুল হাসিয়া ভাষে—  
প্রিয়তম যেয়ো না চলি॥

## ৩৬

খান্জাজ মিশ্র-কার্ফা

মেরো না আমারে আর নয়ন-বাণে<sup>১৯</sup>।  
কি জ্বালা ব্যাধের বাণে<sup>১৯</sup>  
বনের হরিণই জানে॥

একে এ পরাণ দহে  
মদির ও আঁখির মোহে  
চাহনির যাদু মাখা তায়।  
জ্বলিছে আলেয়া-শিখা  
নয়ন-জলের মরীচিকা  
পিয়াসী পথিক ছোটে হয়  
তাহারি টানে॥

তব

রূপের সায়রে ও-নয়ন  
শাপলা সুঁদির ফুল,  
তুলিতে গিয়া ডুবিল  
শত সে পথিক বেভুল।

সুন্দর ফণীর শিরে  
ও যেন যুগল মণি,  
যে গেল সে মণির মায়ায়,  
তারে দংশিল অমনি।

শত সে হৃদয়-নদী  
কেঁদে যায় নিরবধি,  
সাগর-ডাগর ও-আঁখির পানে॥

BANGLADARSHAN.COM

৩৭

বেহাগ খাম্বাজ-দাদরা

হে'লে দু'লে নীর ভরণে ও কে যায়।  
ছল ক'রে কলসী নাচায় (কিশোরী) ॥

দু'লে দোদুলল্ তনু-লতা<sup>২০</sup>, বাহু দোলে,

দু'লে অঞ্চল চঞ্চল বায়।

দু'লে বেণী, দু'লে চাবি আঁচলায় ॥

নাচে জল-তরঙ্গ তটিনী<sup>২১</sup> রঙ্গে

জলদ্ দাদরা বাজায়।

মম পরাণ নূপুর হ'তে চায় (তার পায়) ॥

BANGLADARSHAN.COM

৩৮

জংলা-দাদরা

বনে মোর ফুটেছে হেনা চামেলী  
যুঁথী বেলি।

এস এস কুসুম-সুকুমার  
শীতের মায়া-কুহেলি অবহেলি ॥

পরাণে দেয় দোলা দেয় দোলা দেয় দোলা  
উতল দখিণা হাওয়া,  
কোকিল কুহরে কুহু কুহু স্বরে,  
মদির স্বপন-ছাওয়া।

হাসে গীত-চঞ্চল জোছনা-উজল  
মাধবী রাতে,

এস এস যৌবন-সাথী  
ফুল-কিশোর, হে চিতচোর, দেবতা মোর!  
মম লাজ অবগুণ্ঠন<sup>২২</sup> ঠেলি ॥

BANGLADARSHAN.COM

চাষাণীর গান

ঝুমুর-কার্ফা

ও দুঃখের বন্ধু রে, ছেড়ে কোথায় গেলি।  
ছেড়ে কোথায় গেলি রে বন্ধু, একলা ঘরে ফেলি॥

আমায় গঞ্জনা দেয় ঘরে পরে,  
আমি ভুলতে তবু নারি তোরে রে,  
আমি লবণ দিতে পাস্তা ভাতে হলুদ দিয়ে ফেলি॥

তোর লাঙল তোর কা'স্তে নিয়ে  
আমি খুঁজে বেড়াই মাঠে গিয়ে,  
আমার চোখের জলে মাঠ ভেসে যায়  
তুই তবু কই এলি॥

তেল মেখে কি গায়ে তোরা  
পিরীতি করিস্ মনোচোরা,  
ধরিতে কি না ধরিতে  
যাস রে পিছলি॥

চামার গান  
বাউল-কার্ফা

আমি ডুরি-ছেঁড়া ঘুড়ির মতন,  
চলছি উ'ড়ে প্রাণ সহ।  
ছুটি উর্ধ্বশ্বাসে ঝড়-বাতাসে  
পড়ব কোথায় কেমনে কই॥

তোর থেকে লো চ'লে এসে  
আমার বুকের পাজ্রা গেছে খসে,  
সেই ভাঙা বুকের খাপ্রা ভ'রে  
কুল কাঠেরি আগুন বই॥

কাঁদিয়ে তোরে ও প্রেয়সী,  
তোরও চেয়ে কাঁদছি বেশী,  
আমার পাকা ধানের ক্ষেতে আমি  
আপন হাতে দিলাম মই॥

তোর কাঁদনের গাঙের তীরে  
আমি নৌকা বেয়ে আসব ফিরে,  
তুই ভেজে রাখিস দুখের তাতে  
মন-আখাতে প্রেমের খই॥

পুরুষ ॥ তুমি ফুল আমি সুতো গাঁথিব মালা।

স্ত্রী ॥ তাহে মোরেই সহিতে হবে সূচীর জ্বালা ॥

পু ॥ দুলিবে গলে মোর বুকের 'পরে,

স্ত্রী ॥ ফেলে দিবে বাসি হলে নিশি-ভোরে,

আমি বন-কুসুম ঝরি বনে নিরালা ॥

পু ॥ তব কুঞ্জ-গলি

আসে দখিণ হাওয়া,

আসে চপল অলি।

স্ত্রী ॥ তারা রূপ-পিয়াসী

তারা ছিঁড়ে না কলি

তারা বনের বাহিরে মোরে নেবে না কালা ॥

পু ॥ তবে চলিয়া যাই আমি নিরাশা লয়ে,

স্ত্রী ॥ না, না, থাক বুক শিশির হয়ে,

তব প্রেমে করিব আমি বন উজালা ॥

পুরুষ ॥ মন দিয়ে আমি লুকোচুরি-খেলা খেলি প্রিয়ে।

স্ত্রী ॥ ধরিতে পারি না পেতে তাই প্রেম-ফাঁদ  
আমি মেঘ তুমি চাঁদ, ফের গো কাঁদিয়ে ॥

পু ॥ মন্দ বায় আমি গন্ধ লুটি শুধু

চাইনে আমি সে মধু,

স্ত্রী ॥ চাইনে চাইনে, বঁধু<sup>২৩</sup>!

তাহে নাই সুখ নাই,

আমি পরশ যে চাই।

পু ॥ স্বপন-কুমার ফিরি যে আমি

মন ভুলিয়ে ॥

উভয়ে ॥ চল তবে যাই মোরা স্বপ্নের দেশে

জোছনায় ভেসে

নন্দন-পারিজাত ফুল ফুটিয়ে ॥

# ৪৩

ডুয়েট-গান

উভয়ে ॥ ভালোবাসায় বাঁধব বাসা  
আমরা দুটি<sup>২৪</sup> মাণিক-জোড়।  
থাকব বাঁধা পাখায় পাখায়  
মাখামাখি প্রেম-বিভোর ॥

পু ॥ আমার বুকে যত মধু  
স্ত্রী ॥ আমার বুকে ঢালবে বঁধু<sup>২৫</sup>!  
পু ॥ আমি কাঁদব যখন দুখে  
স্ত্রী ॥ আমি মুছাব সে নয়ন-লোর ॥  
পু ॥ আমি যদি কভু মনের ভুলে,  
তোমায় প্রিয়া থাকি ভুলে,  
স্ত্রী ॥ আমি রইব তাতেই  
ফুলের মালায় লুকিয়ে  
যেমন থাকে ডোর ॥

BANGLADARSHAN.COM

ভজন

মোর মন ছুটে যায় দ্বাপর যুগে  
 দূর দ্বারকায় বৃন্দাবনে।  
 মোর মন হ'তে চায় ব্রজের রাখাল  
 খেলতে রাখাল-রাজার সনে॥

রূপ ধরে না বিশ্বে যাহার  
 দেখতে যায় সাধ কিশোর-রূপ তার,  
 কেমন মানায় নরের রূপে  
 অনন্ত সেই নারায়ণে॥

সাজ্ত কেমন শিখী-পাখা  
 বাজ্ত কেমন নূপুর পায়ে,  
 থির কেমন থাক্ত ধরা  
 নাচ্ত যখন তমাল-ছায়ে।  
 মা যশোদা বাঁধ্ত যখন  
 কাঁদ্ত ভগবান কেমনে॥

বাজাত সে বেণু যখন  
 উঠ্ত না কি বিশ্ব কেঁপে,  
 ছড়িয়ে যেত সে সুর কোথায়  
 আকাশ গ্রহ তারা ছেপে।  
 রাধার সনে ছুট্ত না কি  
 পাগল নিখিল বাঁশীর স্বনে॥

তা'রে সাজ্ত কেমন বন-মালায়  
 বিশ্ব যাহার অর্ঘ্য সাজায়;  
 যোগী-ঋষি পায় না ধ্যানে  
 গোপ-বালা কেমনে পায়।  
 তেম্নি ক'রে কালার প্রেমে  
 সব খোয়াব এই জীবনে॥

ভজন  
মান্দ-কার্ফা

চিরদিন কাহারো	সমান নাহি যায়।
আজিকে যে রাজাধিরাজ	কা'ল সে ভিক্ষা চায় ॥
অবতার শ্রীরাম	যে জানকীর পতি
তারো হ'ল বনবাস	রাবণ-করে দুর্গতি।
আগুনেও পুড়িল না	ললাটের লেখা হয় ॥
স্বামী পঞ্চ পাণ্ডব,	সখা কৃষ্ণ ভগবান,
দুঃশাসন করে তবু	দ্রৌপদীর অপমান।
পুত্র তার হ'ল হত	যদুপতি যার সহায় ॥
মহারাজ শ্রীহরিশ্চন্দ্র	রাজ্যদান ক'রে শেষ
শ্মশান-রক্ষী হয়ে	লভিল চণ্ডাল বেশ।
বিষ্ণু-বুকে চরণ-চিহ্ন,	ললাট-লেখা কে খণ্ডায় ॥ <sup>২৬</sup>

## ৪৬

কীর্তন-মিশ্র

দেখে যা তোরা নদীয়ায়।  
গোরার রূপে এল ব্রজের শ্যামরায়॥

মুখে হরি হরি ব'লে  
হে'লে দু'লে নেচে চলে,  
নরনারী প্রেমে গ'লে  
চ'লে পড়ে রাঙা পায়॥

ব্রজে নৃপুত্র পরি' নাচিত এমনি হরি  
কুল ভুলিয়া সবে ছুটিত, এমনি করি।  
শচী মাতার রূপে কাঁদে মা যশোদা,  
বিষ্ণুপ্রিয়ার চোখে কাঁদে কিশোরী রাধা।

নহে নিমাই নিতাই, ও যে কানাই বলাই,  
শ্রীদাম-সুদাম এলো জগাই-মাধাই এ হায়॥

অসি নাই বাঁশী নাই, এবার শূন্য হাতে

এসেছে ভুবন ভুলাতে।

লীলা-পাগল এল প্রেমে মাতাতে,

ডুবু ডুবু নদীয়া, বিশ্ব ভাসিয়া যায়॥

BANGLADARSHAN.COM

কালো এত ভাল কি হে কদম্ব গাছের তলা।

আমি দেখছি কত দেখব কত তোমার ছলাকলা॥

আমি জল নিতে যাই যমুনাতে

তুমি বাজাও বাঁশী হে,

মনের ভুলে কলস ফেলে

তোমার কাছে আসি হে,

শ্যাম দিন-দুপুরে গোকুলপুরে দায় হ'ল যে চলা॥

আমার চারিদিকেতে ননদ সতীন দু'কূল রাখা ভার,

আমি সহিব কত আর,

ওরা লুকিয়ে হাসে দেখে মোদের

গোপন লীলার ছলা॥

## ৪৮

বিভাষ মিশ্র-একতালা

জবাকুসুম-সঙ্কাস

ঐ উদার অরুণোদয়।

অপগত তমোভয়

জয় হে জ্যোতির্ময়<sup>২৭</sup>॥

জননীর সম স্নেহ-সজল

নীল গাঢ় গগন-তল,

সুপেয় বারি প্রসূন<sup>২৮</sup> ফল

তব দান অক্ষয়।

অপহত সংশয়

জয় হে জ্যোতির্ময়॥

BANGLADARSHAN.COM

ভৈরবী-কার্ফা

মাধব বংশীধারী বনওয়ারী গোঠ-চারী  
 গোবিন্দ কৃষ্ণ মুরারি।  
 গোবিন্দ কৃষ্ণ মুরারি হে,  
 পাপ-তাপ-দুখ-হারী॥

কালরূপ কভু দৈত্য-নিধনে,  
 চিকণ কালা কভু বিহর বনে,  
 কভু বাজাও বেণু, খেল ধেনু সনে,  
 কভু বামে রাখা-প্যারী,  
 গোপ-নারী-মনোহারি,  
 নিকুঞ্জ-লীলা-বিহারি॥

কুরঙ্গক্ষেত্র-রণে পাণ্ডব-মিতা,  
 কঠে অভয় বাণী ভগবদ্-গীতা,  
 হে পূর্ণ ভগবান পরম পিতা,  
 শঙ্খ-চক্র-গদাধারী,  
 পাপ-তারী, কাণ্ডারী  
 ত্রিভুবন সৃজনকারী॥

BANGLADARSHAN.COM

আশাবরী-দাদরা

আমার কালো মেয়ের পায়ের তলায়  
 দেখে যা আলোর নাচন।  
 মায়ের রূপ দেখে দেয় বুক পেতে শিব  
 যার হাতে মরণ বাঁচন॥

আমার কালো মেয়ের আঁধার কোলে  
 শিশু রবি শশী দোলে,  
 মায়ের একটুখানি রূপের ঝলক,  
 ঐ স্নিগ্ধ বিরাট নীল-গগন॥

পাগলী মেয়ে এলোকেশী  
 নিশীথিনীর দুলিয়ে কেশ  
 নেচে বেড়ায় দিনের চিতায়  
 লীলার রে তার নাইকো শেষ।  
 সিন্ধুতে ঐ বিন্দুখানিক  
 তার ঠিকরে পড়ে রূপের মানিক,  
 বিশ্বে মায়ের রূপ ধরে না  
 মা আমার তাই দিগ্-বসন॥

সিন্ধু-কাফি-যৎ

শ্যামা তুই বেদেনীর মেয়ে  
 (তাই) মাঠে ঘাটে বেড়াস খেয়ে।  
 তুই কোন্ দুখে এই ভেক নিলি মা  
 থাকতে নিখিল ছেলে-মেয়ে॥

হেম কৈলাসে তোর আগুন জ্বালি’  
 গৌরী মেয়ে সাজলি কালি,  
 তুই অন্নপূর্ণা নাম ভুলিলি  
 ভূতনাথের সঙ্গ পেয়ে॥

ডুগডুগি ঐ বাজায় মহেশ  
 ক্ষ্যাপা বেটা গাঁজা খেয়ে,  
 তাই দেখে তুই চণ্ডী সেজে  
 ক্ষেপে গেলি হাবা মেয়ে॥

রাজার মেয়ের এ কি খেয়াল  
 মেরে বেড়াস অসুর-শেয়াল,  
 তুই দানব ধরে বাঁদর নাচাস  
 কাজ নাই তোর খেয়ে-দেয়ে॥

সরস্বতী-বন্দনা

জয় বাণী বিদ্যাদায়িনী।

জয় বিশ্ব-লোক-বিহারিণী ॥

সৃজন-আদিম তমঃ অপসারি’

সহস্র দল কিরণ বিথারি’

আসিলে মা তুমি গগন বিদারি’

মানস-মরাল-বাহিনী ॥

ভারতে ভারতী মূক তুমি আজি

বীণাতে উঠিছে ক্রন্দন বাজি’

ছিন্ন-চরণ শতদলরাজি

কহিছে বিষাদ-কাহিনী ॥

উঠ মা আবার কমলাসীনা

করে ধর পুনঃ সে রুদ্র বীণা,

নব সুর তানে বাণী দীনাহীনা

জাগাও অমৃত-ভাষিণী ॥

ভৈরবী-একতালা

রোদনে তোর বোধন বাজে

আয় মা শ্যামা জগন্ময়ী।

আমরা যে তোর মানব-ছেলে

আমরা ত মা দানব নই॥

তোর মাথায় গেছে রক্ত চড়ে’

তাই পা রেখেছিস শিবের ’পরে,

স্বামীকে তুই মা চিন্তে নারিস্

চিন্‌বি ছেলেয় কেমনে কই॥

তোর বাবা যেমন অটল পাষণ,

তেমনি অটল তোরও কি প্রাণ!

তুই সব খেয়েছিস সকল-খাগী,

এবার শুধু ভিক্ষা মাগি—

তোর আপন ছেলের মাথা খা তুই

মোরাও দুঃখ-মুক্ত হই॥

তুমি দুখের বেশে এলে ব'লে ভয় করি কি হরি।  
 দাও ব্যথা যতই, তোমায় ততই নিবিড় ক'রে ধরি  
 আমি ভয় করি কি হরি॥

আমি শূন্য ক'রে তোমার বুলি  
 দুঃখ নেব বক্ষে তুলি',  
 আমি করব দুখের অবসান আজ  
 সকল দুঃখ বরি।  
 আমি ভয় করি কি হরি॥

তুমি তু'লে দিয়ে সুখের দেয়াল  
 ছিলে আমার প্রাণের আড়াল,  
 আজ আড়াল ভেঙে দাঁড়ালে মোর  
 সকল শূন্য ভরি।  
 আমি ভয় করি কি হরি॥

বাউল-খেমটা

ওহে রাখাল-রাজ! কি সাজে  
সাজালে আমায় আজ।  
আমার ঘরের ভূষণ কেড়ে নিয়ে  
দিলে চির-পথিক সাজ ॥

তোমার পায়ের নূপুর আমায় দিয়ে  
ঘোরাও পথে ঘাটে নিয়ে  
বেড়াই বাউল একতারা বাজিয়ে হে,  
তোমার ভুবন-নাটে নেচে বেড়াই  
ভুলে সরম ভরম লাজ ॥

তোমার নিত্য খেলার নৃত্য-সার্থী  
আনন্দেরি গোঠে হে,  
জীবন মরণ আমার সহজ  
চরণ-তলে লোটে হে!

আমার হাতে দিলে সর্কনাশী  
ঘর ভুলানো তোমার বাঁশী  
কাজ ভুলাতে যখন তখন আসি হে,  
আমার আপন ভবন কেড়ে, দিলে  
ছেড়ে বিশ্ব ভুবন মাঝে ॥

৫৬

ভীমপলশ্রী-মধ্যমান

ধ্যান ধরি কিসে হে গুরু

তুমি যোগ শিখাইতে এলে।

কানন-পথে শ্যাম যে প্রেম-বাণী

মধুকর-করে পাঠালে,

হে গুরু,

কি যোগ শিখিব তা ফে'লে।

তুমি যোগ শিখাইতে এলে॥

BANGLADARSHAN.COM

বাগেশী-একতালা

আর লুকবি কোথায় মা কালি।  
আমার বিশ্ব-ভুবন আঁধার ক'রে  
তোর রূপে মা সব ডুবালি ॥

আমার সুখের গৃহ শ্মশান ক'রে  
বেড়াস্ মা তায় আগুন জ্বালি',  
আমায় দুঃখ দেওয়ার ছলে মা তোর  
ভুবন-ভরা রূপ দেখালি ॥

আমি পূজা ক'রে পাইনি তোরে  
এবার চোখের জলে এলি,  
আমার বুকের<sup>২৯</sup> ব্যথায় আসন পাতা  
ব'স্ মা সেথা দুখ-দুলালী ॥



ওমা ফিরে এলে কানাই মোদের  
 এবার ছেড়ে দিস্নে তায়।  
 তোর সাথে সব রাখাল মিলে  
 বাঁধব সে ননী-চোরায় ॥

তারে তুই যখন মা রাখতিস বেঁধে,  
 ছাড়ায়েছি কেঁদে কেঁদে,  
 তখন জান্ত কে, যে, খুললে বাঁধন  
 পালিয়ে যাবে মথুরায় ॥

এবার আমরা এসে ডাকলে শ্যামে  
 গোঠে যেতে দিস্নে তায়।

ঐ পথে অত্রুর মুনীর<sup>৩০</sup> সাথে  
 পালিয়ে যাবে শ্যামরায় ॥

মোরা কেউ যাব না বনে মা আর  
 খেলব তোর এই আঙ্গিনায়,  
 শুধু খেলব লুকোচুরি লো  
 আগ্লাতে চোরের রাজায় ॥

বাউল-কার্ফা

পথে পথে কে বাজিয়ে চলে বাঁশী।  
হ'ল বিশ্ব-রাধা ঐ সুরে উদাসী॥

শু'নে ঐ রাখালের বেণু  
ছুটে আসে আলোক-ধেনু,  
ঐ নীল গগনে রাঙা মেঘে  
ওড়ে গোখুর-রেণু,  
আসে শ্যাম-পিয়াসী গোপ-ঝিয়ারি  
গ্রহ-তারার রাশি॥

সেই বাঁশীর অন্বেষণে  
যত মন-বধু খায় বনে,

তাদের প্রেম-যমুনায় বান ডেকে যায়  
কুল খোয়ায় গোপনে।  
তারা রাস-দেউলে রসের

বাউল আনন্দ-ব্রজবাসী॥

ভজন

("আরে দাতা শোন্" সুর)

ও মন চল অকুল পানে  
 মাতি হরিপ্রেম-গুণগানে।  
 নদী যেমন ধায় অকূলে  
 কুল যত তায় টানে॥

তুই কোন্ পাহাড়ে ঠেকলি এসে  
 কোন্ পাথারের জল  
 হরির প্রেমে গেলে এবার  
 সেই অসীমে চল,  
 তুই স্রোতের বেগে দুর্লবি রে  
 কুল বাধা যদি হানে॥

কুলু কুল কুলুকুলু হরিগুণ-গান  
 গাইবি অবিরল,  
 আর দুই কূলে প্রেম-ফুল ফুটায়  
 কর্ণি রে শ্যামল,  
 যত তাপিত প্রাণ হবে শীতল  
 তোর জলে সিনানে॥

এ পারের সব যাত্রী যাবে  
 তোর বুকুে ওপারে,  
 তোর কূলে শ্যাম বাজিয়ে বাঁশী,  
 আস্বে অভিসারে,  
 তুই শ্যামের ছবি ধর্বি বুকুে  
 মাত্ৰি প্রেম-তুফানে॥

৬২

মান্দ-কার্ফা

এস মুরলীধারী বৃন্দাবন-চারী  
গোপাল গিরিধারী শ্যাম।  
তেমনি যমুনা বিগলিত-করণা<sup>৩১</sup>  
কুলু কুলু কুলু স্বরে ডাকে অবিরাম॥

কোথায় গোকুল-বিহারী শ্রীকৃষ্ণ  
চাহিয়া পথ-পানে ধরণী সতৃষ্ণ,  
ডাকে মা যশোদার নীলমণি  
আয় আয় ডেকে যায় নন্দ শ্রীদাম॥

ডাকে প্রেম-সাধিকা আজো শত রাধিকা  
গোপ-কোঙারি,

এস নওল-কিশোর কুল-লাজ-মান-চোর  
ব্রজ-বিহারী।

পরি' সেই পীতধরা, সেই বাঁকা শিখী-চূড়া  
বাজায় বেণু,  
আরবার এসে গোঠে, খেল সেই ছায়া-বটে,  
চরাও ধেনু।

কদম তমাল-ছায়ে এস নূপুর পায়ে  
ললিত বঙ্কিম ঠাম॥

BANGLADARSHAN.COM

৬৩

খাম্বাজ-কাওয়ালি

নূপুর মধুর রংবুনু বোলে  
মন-গোকুলে রংবুনু বোলে॥

কুলের বাঁধন টুটে

যমুনা উথলি উঠে,  
পুলকে কদম ফুটে,  
পেখম খোলে  
শিখী পেখম খোলে॥

ব্রজনারী কুল ভুলে  
লুটায় সে পদ-মূলে,  
চোখে জল বুক

প্রেম-তরঙ্গ দোলে॥

শ্রীমতী রাধার সাথে  
বিশ্ব ছুটিছে পথে

হরি হরি ব'লে মাতে

ত্রিভুবন ভোলে॥

BANGLADARSHAN.COM

হে গোবিন্দ, ও অরবিন্দ চরণে-শরণ দাও হে।  
বিফল জনম কাটিল কাঁদিয়া, শান্তি নাহি কোথাও হে॥

জীবন প্রভাত কাটিল খেলায়,  
দুপুর ফুরাল মোহের মেলায়,  
ডাকিব যে নাথ সন্ধ্যা-বেলায়  
ডাকিতে পারিনি তাই হে॥

এসেছি দুঃখ-জীর্ণ পথিক মৃত্যু-গহন রাতে  
কিছু নাই প্রভু সম্বল, শুধু জল আছে আঁখি-পাতে।  
সন্তান তব বিপথগামী  
ফিরিয়া এসেছে হে জীবন-স্বামী,  
পাপী তাপী তবু সন্তান আমি  
ধুলা মু'ছে কোলে নাও হে॥

## ৬৫

কীর্তন-ভাঙা

ফিরে আয় ভাই গোঠে কানাই

আর কতক্ষণ রবি মথুরায়।

তোর শ্যামলী ধবলী কাঁদে তৃণ ফেলি

বারে বারে পথে ফিরে চায়॥

রাখাল-সাথীরে ফেলি' কোথা আজ

রাজা পেয়েছ, হে রাখাল-রাজ!

তোর ফেলে-যাওয়া বাঁশী নিয়ে যারে আসি'

মোরা আঁখি-জলে ভাসি দেখে তায়॥

তুই শিখী-পাখা ফেলে মুকুট মাথায়

দিয়েছিস্ নাকি, শুনে হাসি পায়।

তুই পীত-ধড়া ছেড়ে রাজ-বেশে ভাই

সেজেছিস্ নাকি, মোদের কানাই।

তুই অসি ফেলে নেচে আয় হেলে দুলে,

নূপুর পরিয়া রাঙা পায়।

ফিরে আয় ননী-চোর ব্রজের কিশোর

মা ব'লে ডাক যশোদায়॥

BANGLADARSHAN.COM

# ৬৬

গান

সুন্দর বেশে মৃত্যু আমার  
আসিলে কি এতদিনে?  
বাজালে দুপুরে বিদায়-পূরবী<sup>৩২</sup>  
আমার জীবন-বীণে।  
ভয় নাই রানী, রেখে গেনু শুধু  
চোখের জলের লেখা,  
রাতের এ লেখা শুকাবে প্রভাতে,  
চলে যাব আমি একা!

\* \* \*

দিনের আলোকে ভুলিও তোমার রাতের দুঃস্বপন,  
উর্ধ্ব তোমার প্রহরী দেবতা,  
মধ্যে দাঁড়ায়ে তুমি ব্যথাহতা,  
পায়ের তলার দৈত্যে কথা ভুলিতে কতক্ষণ?

BANGLADARSHAN.COM

## ৬৭

তিলোক-কামোদ-আন্ধা কাওয়ালি

রাখ রাখ রাঙা পায়

হে শ্যামবায়!

ভুলে গৃহ স্বজন সবই সঁপেছি তোমায় ॥

সংসার মরু ঘোর, নাহি তরু ছায়া

নব নীরদ শ্যাম আনো মেঘ-মায়া,

আনন্দ-নীপবনে নন্দ-দুলাল এস

বহাও উজান হরি অশ্রুর যমুনায় ॥

একা জীবন মোর গহন বন ঘোর

এস এ বনে বনমালী গোপ-কিশোর,

কুঞ্জ রচেছি দুখ-শোক-তমাল-ছায়।

প্রেম-প্ৰীতির গোপী-চন্দন শুকায়ে যায় ॥

দারা সুত প্রিয়জন, হরি হে নাহি চাই,

পদ-পলাশ-আঁখি যদি দেখিতে পাই।

রাখাল-রাজা এস, এস হে হৃষিকেশ,

গোকুলে লহ ডাকি' অকুলে ভাসি, হয় ॥

BANGLADARSHAN.COM

# ৬৮

কীর্তন-মিশ্র

মোরে সেইরূপে দেখা দাও হে হরি।  
তুমি ব্রজের বালারে রাই কিশোরীরে  
ভুলাইলে যেই রূপ ধরি॥

হরি বাজায়ো বাঁশরী সেই সাথে,  
যে বাঁশী শুনিয়া ধেনু গোষ্ঠে যেত  
উজান বহিত যমুনাতে।  
যে নূপুর শুনৈ ময়ূর নাচিত  
এস হে সেই নূপুর পরি॥

নন্দ-যশোদা কোলে গোপাল  
যে রূপে খেলিত, ক্ষীর ননী খেতে,  
এস সেই রূপে ব্রজ-দুলাল।  
যে পীত-বসনে কদম-তলায় নাচিত  
এস সে বাস পরি॥

কংসে বধিলে যে রূপে শ্যাম  
কুরুক্ষেত্রে হইলে সারথি  
এস সেইরূপে এ ধরাধাম।  
যে রূপে গাহিলে গীতা নারায়ণ,  
এস সে বিরট রূপ ধরি॥

৬৯

ভৈরবী-দাদরা

হৃদয়-সরসী দুলালে পরশি' গত নিশি।

নিশি-শেষে চাঁদ-পূর্ণিমা চাঁদ

গেলে মিশি',

গত নিশি॥

নয়ন মুদি' কুমুদী ঐ-

কাঁদে প্রিয় কই,

পিউ কাইঁ, পিউ কাইঁ, পিউ কাইঁ,

দশ দিশি।

গত নিশি॥

BANGLADARSHAN.COM

ভজন

ভৈরবী-কাওয়ালি

রাখ এ মিনতি ত্রিভুবন-পতি

তব পদে মতি (রাখ)।

আঁখির আগে যেন সদা জাগে

তব ধ্রুব জ্যোতি॥

সংসার মরু-মাঝে তুমি মেঘ-মায়া

বিষাদ-শোক-তাপে তুমি তরু-ছায়া,

সান্ত্বনা-দাতা তুমি দুঃখ-ত্রাতা

অগতির গতি॥

দোলে কালো নিশার কোলে

আলো-উষসী,

তিমির-তলে তব তিলক জ্বলে

ঐ পূর্ণ শশী।

ঝঞ্ঝর মাঝে তব বিষণ বাজে,

সহসা ঢলি' পড়' বনে ফুল-সাজে,

কোমলে কঠোরে হে প্রভু বিরাজে

(তব) মহিমা শক্তি॥

দুর্গা-দাদরা

প্রণমি তোমায় বন-দেবতা।  
শাখে শাখে শুনি তব ফুল-বারতা ॥

তোমার ময়ূর তোমার হরিণ  
লীলা-সাথি রয় নিশিদিন,  
বিলায় ছায়া বাণী-বিহীন  
তরু ও লতা ॥

BANGLADARSHAN.COM

॥সমাপ্ত॥